



Broj:17-1095/06  
Datum: 16.02.2006.

Na osnovu člana 7. stav 1. i 2. i člana 8. stav 1. Zakona o sistemu indirektnog oporezivanja u Bosni i Hercegovini („Službeni glasnik BiH“ broj 44/03 i 52/04), člana 15. stav 1. Zakona o upravi za indirektno oporezivanje („Službeni glasnik Bosne i Hercegovine“, broj 89/05), tačke 2. iz poglavlja VI Pravilnika o uplaćivanju indirektnih poreza i ostalih prihoda i taksu koje naplaćuje Uprava za indirektno oporezivanje („Službeni glasnik Bosne i Hercegovine“, broj 89/05), direktor Uprave za indirektno oporezivanje donosi

**INSTRUKCIJU**  
**o načinu priznavanja uplaćenog poreza na promet na duhan i duhanske preradevine kao poreznog kredita**

**Član 1.**  
**( Predmet)**

Ovom instrukcijom propisuje se način priznavanja uplaćenog poreza na promet na duhan i duhanske preradevine, kao poreznog kredita na ime poreza na dodatu vrijednost i ostalih indirektnih poreza, prilikom uvoza navedenih roba.

**Član 2.**  
**( Uslovi za priznavanje)**

Iznos poreza na promet proizvoda koji je porezni obveznik uplatio na jedinstveni račun Uprave za indirektno oporezivanje u periodu od 01.11.2005. godine do 31.12.2005. godine prilikom preuzimanja poreznih markica na duhan i duhanske preradevine, na njegov zahtjev priznaje se kao porezni kredit za sve vrste prihoda po osnovu indirektnih poreza koji se obračunavaju i naplaćuju na robe iz člana 1. ove instrukcije.

**Član 3.**  
**(Nadležnost)**

Rješenje o priznavanju uplaćenog poreza na promet proizvoda za duhan i duhanske proizvode kao poreznog kredita za porez na dodatu vrijednost i sve ostale indirektno poreze koji se obračunavaju i naplaćuju prilikom uvoza duhana i duhanskih preradevina, na pismeni zahtjev poreznog obveznika donosi Odsjek za carine Regionalnog centra kojem organizaciono pripada carinska ispostava u kojoj će se vršiti uvozno carinjenje navedenih roba.

**Član 4.**  
**( Preknjižavanje priznatog poreza)**

Rješenje iz člana 3. ove instrukcije sa klauzulom izvršnosti dostavlja se Sektoru za poslovne usluge, koji će izvršiti potrebna preknjižavanja.

**Član 5.**  
**( Stupanje na snagu)**

Ova instrukcija stupa na snagu narednog dana od dana donošenja i bit će objavljena na WEB stranici Uprave i na oglasnoj ploči u Središnjem uredu i Regionalnim centrima.

DIREKTOR

Kemal Čaušević